

Aðlögun í Víkina af Kirkjugerði og Sóla -Verkferill-

- **Janúar / febrúar ár hvert:**
 - Aðstoðarleikskólastjóri Víkurinnar hefur samband við leikskólastjóra Kirkjugerðis og Sóla og fær upplýsingar um fjölda nemenda í árgangi, kynjaskiptingu, stuðnings- og sérkennsluþörf.
 - Aðstoðarskólastjóri Víkurinnar ákveður, í samráði við leikskólastjóra Kirkjugerðis og Sóla, hvenær heimsóknir komandi árgangs skuli vera í byrjun júní.
- **Febrúar / mars ár hvert:**
 - Foreldrar fá eyðublað varðandi óskir um deildarfélag á Víkinni.
 - Foreldrar geta sett nöfn þriggja samnemenda sem þeir óska eftir að verði á sömu deild og þeirra barn með fyrirvara um að hægt sé að verða við þeim óskum.
- **Mars / apríl ár hvert:**
 - Hópstjórar/deildastjórar koma með ábendingar varðandi deildaskiptingu og fylla út þar til gert vinnuskjal varðandi það.
 - Í lok mars eru deildastjórar á Kirkjugerði og hópstjórar á Sóla boðaðir á fund í Víkinni með aðstoðarleikskólastjóra og deildastjórum þar vegna nemenda sem færast yfir í Víkina á næsta skólaári:
 - Fundað er með hverjum deildar-/hópstjóra fyrir sig.
 - Efni fundanna: Tillögur að hópaskiptingum og samþykki fyrir upplýsingagjöf milli skóla.
 - Aðstoðarleikskólastjóri Víkurinnar, ásamt deildastjórum, setja upp deildaskiptingar.
 - Foreldrar fá boðskort á skóladag GRV í Hamarsskóla en þeir fá þá tækifæri til að kynna sér starfsemi Víkurinnar.
- **Maí ár hvert:**
 - Í byrjun maí ár hvert er kynningarbréf um Víkina sent út til foreldra ásamt upplýsinum varðandi tilvonandi heimsóknir og aðlögun í Víkina.
 - Þá er einnig sendur heim vistunarsamningur og upplýsingablað um nemendur, sem foreldrar mæta svo með útfyllt í foreldraviðtal í júní.
 - Foreldrafundur í Hamarsskóla:
 - Kynning á starfsemi.
 - Deildaskipting verður tilbúin í byrjun ágúst. Hvaða þættir hafa áhrif á deildaskiptingu.
 - Þeir sem vilja geta skoðað aðstöðuna.
 - Víkin fær nöfn foreldra og símanúmer svo hægt sé að boða í foreldraviðtöl í júní.

- **Júní ár hvert:**

- Í byrjun júní eru tvær tveggja klst skipulagðar heimsóknir í Víkina þar sem tilvonandi nemendahópur fær að kynna Víkinni.
- Tilvonandi nemendur eru alltaf velkomnir í aukaheimsóknir sem ekki eru skipulagðar.
- Foreldraviðtöl:
 - Foreldrar fá tækifæri til að ræða þarfir barsins síns.
 - Foreldrar mæta með útfylltan vistunarsamning og upplýsingablað um nemanda.
- Gögn um börnin flutt yfir í Víkina svo starfsfólk geti verið búið að kynna sér þau áður en börnin byrja. Sérkennsluráðgjafi Vestmannaeyjabæjar sér um flutning ganganna milli stofnana.

- **Ágúst ár hvert:**

- Þegar sumarfrí lýkur er allur árgangurinn tekinn inn á sama tíma.
- Fyrsta daginn eru nemendur í aðlögun frá kl. 8-13, ef allt gengur vel er fullur dagur daginn eftir.

- **September**

- Haldinn er foreldrafundur í byrjun september þar sem farið er yfir skóladagatal, dagskipulag o.fl.

Þessi verkferill skal kynntur foreldrum barna á Kirkjugerði og Sóla sem fyrst á lokaári nemenda í þeim leikskólum.

Endurskoðaður verkferill í september 2021

Fræðslufulltrúi og skólastjórnendur leikskólanna.